

**KJKP "VODOVOD I KANALIZACIJA" d.o.o. SARAJEVO**  
**v.d. DIREKTOR**  
**Izvod broj : 75/18**

Sarajevo, 09 08 2018. godine

Na osnovu člana 64. stav 1. tačka b., člana 70. stav 1. 3. i 6. Zakona o javnim nabavkama (Sl. glasnik BiH br. 39/14) ), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo, te člana 41. Statuta preduzeća, na preporuku Komisije za javnu nabavku broj 75/18 od 01.08.2018. godine, u postupku javne nabavke br. 75/18 „Rekonstrukcija vodovodne mreže u ul. Kobilja glava“ donosi se :

**ODLUKA**  
o izboru najpovoljnijeg ponuđača

**Član 1.**

Prihvata se preporuka Komisije za javne nabavke o izboru najpovoljnijeg ponuđača broj 75/18 od 01.08.2018. godine i ugovor za javnu nabavku radova : „Rekonstrukcija vodovodne mreže u ul. Kobilja glava“ – tender broj 75/18 dodjeljuje se ponuđaču : „Mibral“ d.o.o. Sarajevo, ponuda broj: 52-2-2-07/18 od 10.07.2018. godine, za ponudenu cijenu od **183.825,50 KM** bez PDV-a, kao najbolje ocijenjenom.

**Član 2.**

Prijedlog ugovora o nabavci dostaviti će se na potpis izabranom ponuđaču: „**Mibral**“ d.o.o. **Sarajevo** po proteku od 15 dana, računajući od dana kada su svi ponuđači obaviješteni o izboru najpovoljnijeg ponuđača.

**Član 3.**

Ova odluka objavit će se na web stanici [www.viksa.ba](http://www.viksa.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 4.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj : OP 75/18 od 12.06.2018. godine.

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi : 185.000,00 KM.

Obavještenje o nabavci broj : 247-1-3-150-3-226/18 poslato je na objavljivanje na Portal javnih nabavki dana 14.06.2018. godine, a sažetak obavještenja o nabavci objavljen je u Sl. glasniku BiH broj : 40. od 15.06.2018. godine.

Komisija za javnu nabavku imenovana je Rješenjem br. 18-12-01/17 od 18.12.2017.godine, Rješenjem o izmjeni Rješenja o imenovanju Komisije za javne nabavke br.23-02-01/18 od 23.02.2018.godine i dopunskim Rješenjem članova komisije br. 75/18-1 od 12.06.2018. godine.

Komisija za javnu nabavku dostavila je dana 07.08.2018.g. Preporuku o izboru najpovoljnijeg ponuđača broj 75/18 u postupku javne nabavke radova : „Rekonstrukcija vodovodne mreže u ul. Kobilja glava“

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda : 3 (tri) ponude „Mibral“ d.o.o. Sarajevo; „Mimas Ing“ d.o.o. Sarajevo i „Ted Invest“ d.o.o. Sarajevo
- Da su blagovremeno zaprimljene : 3 (tri) ponude „Mibral“ d.o.o. Sarajevo; „Mimas Ing“ d.o.o. Sarajevo i „Ted Invest“ d.o.o. Sarajevo
- Da nije bilo neblagovremeno zaprimljenih ponuda
- Da dostavljene ponude ponuđača „Mibral“ d.o.o. Sarajevo, „Mimas Ing“ d.o.o. Sarajevo i „Ted Invest“ d.o.o. Sarajevo ispunjavaju zahtjevane TD uslove prema obliku i potpunosti u smislu pripreme ponuda.

Komisija konstatuje da ponuđači „Mimas Ing“ d.o.o. Sarajevo i „Ted Invest“ d.o.o. Sarajevo ne ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

- **Pregledom ponude ponuđača „Mimas Ing“ d.o.o. Sarajevo**, Komisija je konstatovala da ne ispunjava zahtjevane uslove u skladu sa tačkom **14.2 Tehnička i profesionalna sposobnost** - ( pod a. ) tenderske dokumentacije, gdje je navedeno da ponuđač treba da ima uredno izvršena 2 ugovora, a koji su u vezi s predmetnom nabavkom, na poslovima rekonstrukcija vodovodne mreže koji je isti ili sličan predmetu nabavke u minimalnom iznosu: 60.000,00 KM bez PDV-a po ugovoru za period ne duži od pet godina ili od datuma registracije, odnosno početka poslovanja, ako je ponuđač registriran, odnosno počeo sa radom prije manje od pet godina. **Pod sličnim ugovorima se smatra (izgradnja vodovodne distributivne mreže).**

Naime, iz dostavljenog spiska izvršenih ugovora i potvrda o realizaciji ugovora je konstatovano da je navedeni ponuđač u svrhu dokazivanja naprijed navedenog uslova dostavio dvije potvrde firme „Bosman“ d.o.o. Sarajevo o uspješnoj realizaciji ugovora i to : Ugovor o izvođenju radova na rekonstrukciji ulice Rajlovačka – Općina Novi Grad Sarajevo, koji obuhvata građevinske radove na cjevovodu za vodu i kanalizaciju i Ugovor o izvođenju zemljanih radova na izgradnji saobraćajnice i nivelaciji terena na projektu „Poljine Hills“ u Sarajevu, koji obuhvata građevinske radove na cjevovodu za vodu i kanalizaciju, te time nije ispunio postavljeni tenderski uslov.

Takođe, Komisija je konstatovala da ponuđač „Mimas Ing“ d.o.o. Sarajevo ne ispunjava zahtjevane uslove u skladu sa tačkom **14.2 Tehnička i profesionalna sposobnost** - ( pod c.) tenderske dokumentacije, gdje je navedeno da ponuđač u svrhu dokazivanja kadrovske osposobljenosti treba da dostavi „ **Ovjerenu kopiju diplome o završenom zanimanju koje nije starije od tri mjeseca od dana ovjere (notar ili organ uprave) za vodoinstalatera VKV**“.

Pregledom ponude ponuđača „Mimas Ing“ d.o.o. Sarajevo, utvrđeno je da je isti dostavio ovjerenu kopiju diplome o završenom zanimanju „Instalater III stepen“ te time nije ispunio postavljeni tenderski uslov.

- **Pregledom ponude ponuđača „Ted Invest“ d.o.o. Sarajevo**, konstatovano je da je isti u dostavljenom Ugovoru o poslovno tehničkoj saradnji između Ted Investa d.o.o. i Boloban Ahmeda, dipl.ing.građ. izvršio ispravu koja nije urađena u skladu za zahtjevima iz tačke 18.1 tenderske dokumentacije „Ispravke u ponudi“.

Naime, u Ugovoru na strani 60. ponude u članu I. vršena je ispravka na način da su korektorom prekriveni raniji podaci i preko njih napisani novi, ali isti nisu potvrđeni potpisom ponuđača i nemaju datum izvršene ispravke.

Komisija konstatuje da izvršena ispravka nije urađena na zahtijevani način odnosno ponuđač prilikom vršenja ispravke nije postupio u skladu sa postavljenim zahtjevima iz tačke 18.1 tenderske dokumentacije „Ispravke u ponudi“, koja jasno i precizno određuje način vršenja ispravki i to : Ukoliko ponuđači vrše ispravke u ponudi, iste moraju biti urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke, a sve prema članu 18. stav (1) tačka m) Uputstva za pripremu modela tenderske dokumentacije i ponuda (“Službeni glasnik BiH”, br. 90/14, 20/15.

Obzirom na navedeno, Komisija je utvrdila da ponude ponuđača „Mimas Ing“ d.o.o. Sarajevo i „Ted Invest“ d.o.o. Sarajevo ne ispunjavaju zahtjeve ugovornog organa tražene tenderskom dokumentacijom, zbog čega se ponude ovih ponuđača odbacuju kao neprihvatljive, a sve u skladu sa članom 68. stav (4) pod i) Zakona o javnim nabavkama.

- Ponuda ponuđača „Mibral“ d.o.o. Sarajevo, ispunjava kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ponude ponuđača „Mibral“ d.o.o. Sarajevo od strane stručnih lica za predmetnu nabavku konstatovano da ponuda ponuđača „Mibral“ d.o.o. Sarajevo ispunjava sve postavljene tehničke zahtjeve u pogledu opisa predmeta nabavke i tehničke specifikacije.

Računskom kontrolom specifikacije ponude ponuđača „Mibral“ d.o.o. Sarajevo konstatovano je da u ponudi ponuđača „Mibral“ d.o.o. Sarajevo nema grešaka računске prirode.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN).

Tenderskom dokumentacijom je predviđena primjena e-aukcije, a obzirom da je pristigla samo jedna prihvatljiva ponuda, to se u skladu sa članom 3. stav (3) Pravilnika o uslovima i načinu korištenja e-aukcije (Sl. glasnik BiH broj 66/16) e-aukcija ne može zakazati, nego će se postupak okončati u skladu sa članom 69. stav (1) tačka a) Zakona o javnim nabavkama.

Vrijednost ponude ponuđača „Mibral“ d.o.o. Sarajevo iznosi **183.825,50 KM bez PDV-a.**

Iz gore navedenih razloga, primjenom člana 64. stav 1. tačka b. ZJN, donesena je Odluka o izboru najpovoljnijeg ponuđača kao u članu 1. ove odluke.

#### **Pouka o pravnom lijeku :**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti :

- Ponuđaču
- a/a

v.d. Direktor



*Azra Muzur*  
Azra Muzur, dipl.inž.građ